

زينب لفت صوب الاخو
وتناشده بمدمع يصب
بحسره تون أم الحزن
باكي هلي يا ابو علي

أسألك والدمعه من دم
إليا جريمه ويا جنايه

خيل وزلم متجمعه
متحيره يا ابو علي
متروعه من هالجمع
طمني يا تاج العلا

ضمني لصدرك يخويه
واظفي نيران المصبيه

فزع ليها شبيهه المصطفى وسلييه
يلبوة حيدر ويا بضعة البتوله
يزينيب يزينيب

يكلها خاف اسولف لچ عن النوايب
مصايينا مثلها ماجرت مصاييب
يزينيب يزينيب

تلكين البطل يم الشريعه
والاكبر جديل اعلى الترايب
مرفلي الرضيع مرمي بسهم
أرفع الدما بجفي للسما

وتلگيني على حر الوطيه
ماخذ گوتي السهم المثلث
دامي والشمر يصعد علي
ودمومي على الغبره جريه
يختي هالشمر يصعد الصدر
وبراس الرمح راسي يرتفع

ابگی اعلى الثرى مجدل وعافر
مسلوب الردا ويا العمامه
وصدري اترضه يا خيه الحوافر
ما عندي معين ومالي ناصر
تاليها الخيم حسره تنضم
صاحت ذاهله وناحت معوله
وتهجم العدا على النساوين
أرحم غربتي يا خويه يحسين